

utique vere possit duci in pariete, quo sine lucernae igne pervenit ignis. Super hoc Filius dicit, Qui me

metem misericordia Patre Filius dicere, Pater mecum est. Sententiam turpiter de ornat exscriptor; nec aliquid deinceps adjungit preter excusam ex eodem Augustini libro contra Sornuoniam Ariaporum, male compacta et inde tractatis aut interpolatis sententiis incepta loquaciter indigna.

misericordia mecum est (Joan. viii, 42, 16, 20) : quod vere potuit Filius dicere, Pater mecum est. Cuius igitur haec a Patre missio Filii prorsus inestimabilis sit, nec capi ullius cogitatione possit, hoc etiam hic potest intelligi, ut a Patre missa esse dicatur, quod Filius hominibus apparuit in carne, non Pater. Quo enim mittitur Filius, ubi non est? Ubi autem noua est sapientia Dei? etc.

ADMONITIO IN SUBSEQUENTEM LIBRUM.

Non uni Augustino, sed aliis multis auctoribus aequo falso tributus fuit, Ambrosio, Hieronymo, Anselmo, Bonaventuræ. Quanquam apud Hieronymum non totus exstat, sed tantum usque ad verba, Haec omnia quæ praedicta sunt, etc., col. 1208, cap. 2; apudque ipsum inscribitur, De his quæ Deo in Scripturis attribuuntur. Apud Anselmum, De vestimentis et membris et actibus Deo tributis. Apud Bonaventuram, De essentia et invisibilitate et immensitate Dei. In MSS. Vaticano et Victorino sub Augustini nomine titulum habet, De essentia divinitatis et de invisibilitate atque incommutabilitate Dei. Prima et maxima pars libri ex Eucherio Lugdunensis opere de Formulis spiritualis intelligentiae sumpta, continet totum caput ejusdem operis primaria, quod est de Divinis nominibus.

DE ESSENTIA DIVINITATIS

LIBER UNUS.



I. Omnipotens Deus Pater et Filius et Spiritus sanctus, unus atque trinus, unus videlicet in natura, trinus vero exstat in personis: solus invisibilis, solus immensus atque incomprehensibilis, solus incircumscripturn, solus immutabilis, incorporeus et immortalis, ubique praesens, sed latens: ubique totus, sed immensus. Invisibilis est, quia in essentia sua videri non potest. Apostolo testante, qui ait, *Quem nullus hominum vidit, sed nec videre potest* (I Tim. vi, 16). Et in Evangelio, *Deum nemo vidit unquam* (Joan. i, 18). Incorporeus est, quia nullus membrorum lineamentis compositus, sive compactus existit, sicut Veritas in Evangelio ait, *Spiritus est Deus; et eos qui adorant eum, in spiritu et veritate oportet adorare* (Id. iv, 24). Immensus est, quia quantitas ejus vel qualitas a nullo ex creaturis metiri potest: cui Salomon in oratione sua supplicans ait, *Si cælum et cæli cælorum te non capiunt, quanto magis domus ista quam ædificari* (III Reg. viii, 27)? Incircumscripturn est, quoniam circumscribi non potest. Illocalis est, quoniam de loco ad locum nequam transit, sed neque in loco qualibet retinetur¹, ipso de semelipso per Isaiam prophetam testimonium perhibente atque didente, *Cælum sedes meu, terra autem scabellum pedum meorum* (Isai. LXVI, 1). Et per Jeremiam, *Noune cælum et terram ego impleo, dicit Dominus* (Jerem. xxiii, 24)? Cujus immensitatem propheta in Psalmo confidens ad ipsum Deum ait, *Si ascendero in cælum, tu illic es; et si descendero ad infernum, ades* (Psal. cxxxviii, 8). De ejus immensitate adhuc in libro beati Job scriptum est, *Excelsior cælo est, et quid facies? Profundior inferno, et unde cognosces* (Job xi, 8)? Longior terra mensura ejus, et latior mari. Qui enim cælum et terram implet, procul dubio nullus est locus ab ejus præsentia absens. Super omnem quippe creaturam presidet regendo atque imperando: subtilis omnia est sustinendo atque portando, non laboris pondere, sed infatigabili virtute: quoniam nulla creatura ab eo condita per se subsistere valet, nisi ab ipso sustentetur qui illam creavit. Extra omnia est, sed non exclusus: intra omnia est, sed non inclusus. Immutabilis est, quia ab eo quod est mutari omnino non potest, ipso dicente per Mala-

chiam prophetam, *Ego Dominus et non maior* (Malach. iii, 6). Ideo autem Deus immutabilis dicitur, quia in natura ejus, ira, furor, penitentia, oblivio, recordatio, et alia his similia, nullo modo accident. Simplex enim natura est, et immutabilis atque imperturbata; neque aliud est ipse, et aliud quod habet; sed ipsum est quod habet et quod est. Inmoralis est, quia mori nullo modo potest, Apostolo hoc attestante atque dicente, *Qui solus habet immortalitatem, lucem habitans inaccessibilem, quem nullus homo vidit, sed nec videre potest* (I Tim. vi, 16). Unde autem sacra Scriptura sparsim per divinos Libros, in Deo motus animæ seu humana membra describit, id est, caput, capillos, oculos, palpebras, aures, narres, os, labia, lingua, cor, imaginem, uterum, manus, dexteram, sinistram, digitos seu digitum, brachium, alas, scapulas, posteriora, pedes; item motus animæ, iram, furorem, oblivionem, recordationem, penitentiam, et alia his similia: non carnaliter juxta historiam a recte intelligentibus scientia sunt, sicut a Judais et a plerisque hereticis carnaliter sapientibus, qui Deum corporeum atque localem opinantur; sed spiritualiter omnia de eo intelligenda et consideranda sunt. Si quis autem in Deo humana membra, seu motus animæ more humano inesse credit, procul dubio in corde suo idola fabricat. Igitur, ut dictum est, figuraliter in Deo caput cum legimus, ipsam essentiam divinitatis ejus, quæ omnia præcedit, et cui universa subjecta sunt, intelligere debemus. Capillos vero capitis ejus, sanctos Angelos seu universos electos typice accipi aportet. De quo sacramento in libro Danielis prophetæ scriptum est, *Aspiciebam donec throni positi sunt, et Antiquus dierum sedet: vestimentum ejus quasi nix candida et capilli capitis ejus quasi lana mundæ* (Dan. vii, 9). Hoc enim significat per vestimentum ejus candidum, quod et per capillos capitis ejus, sanctos videlicet Angelos et multitudinem sanctorum dealbatorum. Vel certe ideo capilli ejus lana mundæ comparantur, ut per hoc Antiquus dierum esse credatur. Oculos habere dicitur Deus, pro eo quod omnia videt, et nihil eum latet, *in cuius conspectu*, ut ait Apostolus, *nulla creatura invisibilis est. Omnia enim nuda et aperta sunt*

¹ Ms. Vaticanus, continetur.

1. Adiud Hieronymum, stimenda.

enit ojus (Hebr. iv, 13). Aliter vero oculi Domini respectus gratiae ejus intelliguntur, ut est illud in Psalmo, *Oculi Domini super iustos (Psal. xxxiii, 16).* Item aliter oculi Domini, praecepta ejus per quæ nobis hunc scientie subministratur, mystice accipiuntur: ut est illud in Psalmo. *Præceptum Domini incidit, illuminans oculos (Psal. xviii, 9).* Palpebre Domini, oculata atque incomprehensibilitas judicia ejus, sive spiritualis in divinis Libris locutio ejus invitatur: de quibus occultis atque incomprehensibilibus sacramentis atque judiciis in Psalmo scriptum est, *Pulpebrae ejus interrogant filios hominum (Psal. x, 5), id est, probant. Aures habere dicitur Dens propter quod omnia audit, et nihil illum sub silentio latet: de quo in libro Sapientiae scriptum est, Auris zeli audit omnia, et tunnaltus murmurationum non abscondetur (Sap. i, 10).* Nares Dei, inspiratio ejus in corda fidelium: ut est illud in libro Regum, *Ascendit fumus de variis ejus (II Reg. xii, 9), id est, lacrymosa compunctio penitentia per inspirationem illius. Facies Dei, cognitio divinitatis ejus ad homines: de qua cognitione in Psalmo scriptum est, *Ostende nobis, Domine, faciem tuam, et salvi erimus (Psal. lxxix, 4);* hoc est, da nobis cognitionem tuam: quæ cognitio per Filium hominibus innotuit ipso dicente in Evangelio, *Nemo novit Patrem nisi Filius, et cui voluerit Filius revelare (Math. xi, 27).* Aliter vero facies Dei significat invisibilem essentiam divinitatis Filii Dei: de qua ipse Dominus ad Moysen per Angelum respondens ait, *Posteriora mea videbis; faciem autem meam videre non poteris (Exod. xxxiii, 23);* ac si diceret, Incarnationem meam videbis in novissimis diebus, divinitatem autem meam videre non poteris. Os Dei, Filius Dei Patris, id est, Christus Dominus: de quo Isaías propheta ex persona Iudeorum effatus ait, *Quia os ejus ad iracundium provocavimus (Thren. i, 18).* Aliter vero os Domini, sermo ejus sive jussio accipitur: de quo sermone Domini praedictus propheta ait, *Os Domini locutum est (Isai. lviii, 14);* hoc est, Verbum Dei, Patris filius, per quod omnia facta sunt: de quo in Psalmo, *Verbo Domini cœli firmati sunt (Psal. xxii, 6).* Et alibi, *Misit Verbum suum, et sanarit eos (Psal. cxi, 20).* Et in Evangelio, *In principio erat Verbum, et Verbum erat apud Deum, et Deus erat Verbum (Joan. i, 1).* Lingua Dei mystice significat Spiritum sanctum, per quem Deus Pater secreta sua omnibus manifestavit: unde in Psalmo, *Lingua mea calamas scribæ relociter scribentis (Psal. xliv, 2).* Labia Domini, utrinque Testamenti consonantia intelliguntur: de quibus duobus Testamentis in Proverbis scriptum est, *Divinitas in labiis ejus, in iudicio non erravit os ejus (Prov. xvi, 10).* Brachia Dei Patris, Filius ejus et Spiritus sanctus intelliguntur: sicut est illud in Isaia propheta, *Et brachia mea populos judicabunt (Isai. li, 5).* Brachium Dei Patris singulariter, Filius ejus accipitur: de quo Jeremias propheta ad ipsum ait, *Et nunc, Domine Deus, qui eduxisti populum tuum de terra Ægypti in manu forti et brachio extento (Jerem. xxxii, 21).* Idecirco autem Filius Dei Patris, brachium ejus dicitur, quia omnis creatura electa ab ipso continetur. Dextera Dei Patris, idem unigenitus Filius accipitur: de quo in Psalmo ex persona hominis assumpti, *Dextera, inquit, Domini fecit virtutem, dextera Domini exaltavit me (Psal. cxvii, 16).* Aliter autem dextera Domini gloriarum Patris significat, id est, aeternam beatitudinem: de qua in Psalmo ex persona Patris ad Filium, *Sede a dextris meis (Psal. cix, 1).* Dicitur autem et dextera Dei omnis electa creatura in celo et in terra, sicut et per sinistram ejus intelligitur reproba creatura, id est, diaboli et omnes impii qui ad leviam positi aeterna supplicia sustinebunt. Manus Dei Patris, Filius Dei accipitur, pro eo quod per ipsum omnia facta sunt: sicut est illud in Isaia propheta, *Omnia**

hæc manus mea fecit (Isai. lxxvi, 9), et facta sunt omnia. Aliter vero manus Dei potestus ejus intelligitur: de qua potestate in libro Jeremias scriptum est, *Sicut lutum in manu figuli, ita vos in manu mea, dominus Israel (Jerom. xviii, 6).* Item manus Dei flagellum accipitur: de ejus percussione in Sophonia propheta scriptum est, *Extendam manum meam super Iudam et super habitantes Ierusalem, et disperdam de loco hoc reliquias Baal, etc. (Sophon. i, 4).* Pro qua Domini percussione beatus Job de semetipso ait, *Manus Domini tetigit me (Job. xix, 21).* Digitus Dei singulariter, Spiritus sanctus accipitur, a quo Spiritu sancto Lex in duabus tabulis lapideis in monte Sina scripta narratur. Ipso enim seripxit qui scribenda dictavit, id est, Spiritus sanctus, de quo Spiritu sancto Dominus in Evangelio, *Si ego, inquit, in digito Dei ejicio daemonia (Luc. xi, 20).* Quod alias evangelista aperte declarans ait, *Si ego in Spiritu Dei ejicio daemonia (Matth. xii, 28).* Sicut enim digitus cum manu vel brachio, manus vero vel brachium cum corpore unum sunt in natura; ita Pater et Filius et Spiritus sanctus tres quidem sunt personæ, una autem substantia divinitatis. Digihi Dei pluraliter, sancti intelliguntur Prophetæ, per quos Spiritus sanctus libros Legis ac Prophetarum sua inspiratione descriptis: de quibus in Psalmo scriptum est, *Videbo caelos tuos, opera digitorum tuorum (Psal. viii, 4).* Per caelos enim, libros Legis et Prophetarum; per digitos vero, sanctos, ut dictum est, Prophetas mystice insinuavit. Imago Dei Patris invisibilis, unigenitus est Filius ejus, de quo Apostolus ait, *Qui est imago Dei invisibilis (Colos. i, 15).* Aliter namque est imago bei Patris in Filio suo, quem non aliunde, sed de semetipso, hoc est, de substantia sua per omnia sibi similem genuit et æqualem: aliter vero in anima hominis, quam non ex se, id est, de substantia sua, sicut plerique heretici opinati sunt, genuit, sed ex nihil creavit. Sicut aliter est imago cuiuslibet regis in filio ejus quem ex semetipso sibi similem genuit, id est, homo hominem; aliter vero in annulo ejus, sive in cera imago illius impressa, que non est hoc quod ipse, sicut filius qui naturaliter, hoc est quod est pater. Cor Dei Patris, arcannum sapientia ejus mystice innuit, ex quo Verbum, id est, Filium suum impossibiliter sine initio genuit, ipso dicente per prophetam, *Eructarit cor meum verbum bonum (Psal. xliv, 2).* Alas habere legitur Deus, pro eo quod more avis electos suos tangram pullos sub se colligit, sovet, et ab insidiis diaboli et malorum hominum protegit: de cuius protectione Propheta in Psalmo ait ipsum ait, *Sub umbra alarum tuarum protege me (Psal. xvi, 8).* Scapus habere dicitur Deus, quia infirma membra Ecclesiæ patienter quasi in scapus portat, et portando protegit: de quo in Psalmo viro justo dicitur, *Scapus suis obumbrabit tibi, et sub pennis ejus sperabis (Psal. xc, 4).* Venter Dei Patris, secreta origo substantiae ejus accipitur, ex qua origine ineffabiliter ante omnem creaturam Filium suum genuit: ipso testimonium perhibente per prophetam ac dicente, id est, Patre ad Filium, *Ex utero ante luciferum genui te (Psal. cix, 3).* Aliter uterus Dei incomprehensibilitas ei occulta judicia ejus, que rimari nequeunt, mystice insinuat: de quibus occultis iudiciis ejus in Job scriptum est, *De cuius utero egressa est glacies, et gelu de celo quis genuit (Job xxxviii, 29).* Posteriora Filii Dei, incarnationis ejus accipitur, que extremo tempore ad redemtionem humani generis facta est: de qua posteriori parte Filii Dei in monte Sina ad Moysen per angelum loquens ait, *Posteriora mea videbis, faciem autem meam videre non poteris (Exod. xxxiii, 23);* ac si ei diceret, incarnationem meam videbis, deitatem meam videre non poteris. Pedes Dei, stabilimentum virtutis ac potentiae ejus sunt, eo quod ubique praesens sit, et universa illi sint subjecta, ipso dicente per Isaiam prophetam, *Cælum nihil sedes est; terra autem scabellum pedum meorum (Isai. lxvi, 1).* Aliter vero pedes Filii Dei, incarnationis ejus intelliguntur, quæ divinitati subjecta est, tanquam capiti pedes, sive pro

¹ Ms. Sorbonicus, *inspiratione. Hieronymus, de inspi-*
ratio.

eo quod circa finem mundi ipsa incarnatione facta est. Sicut enim per caput, ut dictum est, divinitas; ita per pedes figuratim humanitas ejus exprimitur: de qua humanitate in Exodo scriptum est, *Viderunt Deum Israel*, hoc est, Moyses et Aaron et Nadab et Abiu et septuaginta de senioribus populi, et sub pedibus ejus, quasi opus lapidis sapphirini, et quasi cælum cum serenum est (Exod. xxiv, 10). Sicut autem per lapidem sapphirinum colestes creature, id est, sanctos Angelos; ita per cælum serenum sanctam electorum Ecclesiam ex hominibus assumptam figuratim demonstrare voluit. Super duas creaturem homo assumptus a Filio Dei in perpetuum regnat. De quo in Psalmo, *Omnia, inquit, sub pedibus ejus* (Psal. viii, 8). Alter per pedes Domini, id est, Iesu Christi, significati sunt sancti predicatores, de quibus in Deuteronomio scriptum est, *Qui appropinquant pedibus ejus, accipient de doctrina ejus* (Deut. xxviii, 5). Vestimentum Filii Dei aliquando caro ejus, quæ a divinitate assumpta est, in divinis Libris figuratim accipitur: de quo indumento carnis ejus Isaías propheta vaticinans ait, *Quis est iste qui venit de Edom, tinctis vestibus de Bosra* (Isai. lxii, 1)? Rursum vestimenta ejusdem Domini, saucta accipitur Ecclesia, quæ per fidem et dilectionem ei conjuncta est: de qua in Psalmo scriptum est, *Dominus regnavit, decorem indutus est* (Psal. xcii, 1); et in alio psalmo ad ipsum Dominum, *Confessionem et decorem induisti, omictus lumen sicut vestimento* (Psal. ciii, 2). Pallium Christi, jam dicta ejus Ecclesia recte intelligitur: de qua in libro Genesis scriptum est, *Lavabit in vino stolam suam*, hoc est, in sanguine passionis carnem suam; et *in sanguine uxori pallium suum* (Gen. xlix, 11), id est, Ecclesiam suam. Calceamenta Domini nostri Iesu Christi mystice significant incarnationem ejus, quam ex mortalitate generis humani assumere dignatus est: de qua incarnatione sua ipse per Prophetam in Psalmo ait, *In Idumæam extendens calceamentum meum* (Psal. lxx, 10): id est, plebi Gentilium manifestatio incarnationis meam. Gressus Dei, adventus Filii Dei in mundum, et regressio ejus ad Patrem: de quibus gressibus Psalmista canit, *Visi sunt gressus tui Deus, ingressus Dei mei regia qui est in sancto* (Psal. lxvi, 25). De cœlo enim venit in uterum virginis, de utero vero nascendo, positus est in pæscepi. Postquam autem omnia implevit, pro quibus a Patre missus generaliter, appensus est in ligno crucis: de cruce autem depositus, secundum carnem sepultus est, secundum animam vero ad inferna descendit: tertia autem die per potentiam divinitatis sue carnem suam de sepulcro suscitavit: et post dies resurrectionis sue, quadragesimo scilicet die, videntibus Apostolis ascendit in cælum (Act. i, 9), et sedet ad dexteram Patris, id est, in gloria ejus. Illi sunt enim gressus Filii Dei, ita descensus et ascensus ejus qui frequenter in sacris Scripturis legitur. Ascendere Deus dicitur, cum Filius Dei carnem de nobis assumptam in cælum velut captivam duxit: sicut est illud in Psalmo, *Ascendit in altum, captivam duxit captivitatem* (Psal. lxvi, 19); quia naturam humani generis, quæ a diabolo captiva in mundo retinebatur, assumens, secum in cælum ubi nunquam ante fuerat, tanquam captivam deportavit. Abscondere faciem suam Deus legitur, cum quibusdam reprobis eorum exigentibus culpis cognitionem suam abscondit: sicut in populo Judeorum nunc impletum vides; qui negantes Filium Dei, scientiam veri Dei perdididerunt, ut similes fierent Gentibus quæ Deum non noverunt. Ostendere faciem suam dicitur Deus, cum respectu gratiae sue quibus vult, electis scilicet suis, se ipsum in corda eorum occulta inspiratione insinuat, et ad diligendum se amorem suum infundit. Sedere dicitur Deus, non corporaliter humano more, sed potentialiter super omnem creaturam rationalem praesidere¹, ut est illud in Psalmo, *Regnavit Dominus*

¹ Apud Hieronymum, super omniem creaturam regnando præsidiere.

super gentes. *Dens sedet super sedem sanctam suam* (Psal. xlv, 9). Sedere etiam dicitur Deus super Cherubim, quod interpretatur, Scientia plenitudo, sive multitudine, per quod significantur sancti Angeli, sive mentes spiritualium virorum in quibus Deus invisibiliter presidet et regnat. In illis enim sedet, qui scientia ejus et dilectione pleni sunt. In Proverbii quippe Salomonis scriptum est, *Anima justi sedes est sapientia*. Sapientia vero Dei Patris Christi tuis est, qui in animas justorum sedere dicitur. Descendere in mundum Deus legitur, quando aliiquid novum quod antea non fuerat in creatura humana operatur: sicut Filius Dei Patris descendisse narratur, quando veram carnem ex Maria virgine propter redemtionem nostram suscepit, et verus bonus fieri dignatus est, non amittendo quod erat, sed assumendo quod non erat: de cuius descensione, hoc est, incarnatione in Psalmo scriptum est, *Inclinavit cælos, et descendit, et caligo sub pedibus ejus* (Psal. xvii, 10). Cœlos inclinavit, quia ante adventum suum præuentios Angelos sive Prophetas misit, qui ejus adventum hominibus nuntiarent. Caligo sub pedibus ejus fuit, quia impii homines a sua malitia excauti, ejus incarnationem agnoscere non potuerunt: sed neque nunc possunt. Stare Deus dicitur, cum nos insirmos, id est, creaturam suam ad penitentiam et conversionem vita patienter sustinet: ut est illud in Habacuc propheta, *Sicut, et mensus est terram, et dissolvit gentes* (Habacuc iii, 6): id est, sicut ad subveniendum, et dissolvit credentes in se a vinculis peccatorum. Transire dicitur Deus, cum a cordibus quorundam hominum, in quibus ante per fidem inhabitatere credebatur, postea subrepente perfidia vel quolibet delicto ab his recedit, et ad alios transit. Quemadmodum de Judais ad Gentes, et de hereticis ad catholicos, seu de quibuslibet irreligiosis et negligentibus pro virtute suo recedere dicitur Deus, et ad alios transire, quod non localiter aut visibiliter, sed invisibiliter occulto justoque iudicio facere consuevit. Ambulare dicitur Deus, non de loco ad locum transiendo, quod impium est ita credere: sed deambulatio ejus est in cordibus sanctorum delectari; sicut scriptum est, *Et inhabitabo in eis, et in ambulabo, et ero illorum Deus* (Levit. xxvi, 12). Vel certe ambulare Dei, est in sanctis predicatoribus suis de loco ad locum transire. Loqui Dei est, invisibiliter sine sono vocis vel quolibet strepitu occulite² in mentibus sanctorum voluntatem suam atque rectum intellectum inspirare, seu futura sicut sanctis Prophetis revelare. Quæ locutio Dei, ut quidam volunt, tribus modis accipitur. Primo namque modo per subjectam creaturam, sicut ad Moysen, in rubro et igne apparuit; vel sicut ad Abraham, et Jacob, sive iam dictum Moysen et certos sanctos, quibus voluit, in Angelis apparere dignatus est. Secundo modo in sonis, sicut ad Jacob et ad Zacharium prophetam, et ad Joseph sponsum Mariæ, et ad alios sanctos quibus voluit secreta revelare. Tertio autem modo, neque per creaturam visibilem, neque per sonnum, sed occulta tantum inspiratione invisibiliter corda sanctorum tangendo loquentes efficit³, quemadmodum in libris Prophetarum legitur, cum ipsi Prophetæ divino subito afflati Spiritu exclamabant dicentes, *Hæc dicit Dominus*. Vider Dei, est acta bona approbare: sicut illud est in Genesi, *Vidit Deus cuncta quæ fecerat, et erant valde bona* (Gen. i, 31); id est, intelligentibus bona esse demonstravit. Altera videre Dei, est mala hominum sciendi reprobare, sicut est illud in Isaia propheta, *Et vidit Dominus, et apponuit malum in oculis ejus* (Isai. lix, 15). Item altera videre Dei, est nos videntes, id est, scientes facere: ut est illud in Psalmo, *Proba me, Domine, et scito cor meum, interroga me, et cognosce sensus meas*; et vide si via iniquitatis in me est, &c. (Psal. cxxxviii, 23). Modus iste locutionis et

² Alias, occultum.

³ Apud Hieronymum, tangendo afficit.

in libro b. ati Job similiter reperitur, ubi de sapientia Dei Patris, postquam plurima et insignia locutus est de Deo Patre, adjecit: *Tunc vidi illam, et narravit et investigavit et preparavit* (Job xxviii, 27); id est, videntes fecit atque predicantes et investigantes atque a iis iuantantes. Cognoscere Dei, est cognoscentes facere, sicut ait ipse ad Abraham, *Nunc cognovisti quod timeas Deum* (Gen. xxii, 12). Neque enim ille ex tempore novit, qui scit omnia antequam siant: sed cognoscere dicitur Deus cognoscentes facere, ut qui prius de se quales essent incogniti erant, per ejus interrogacionem, id est, probationem sibi meti ipsi manifestarentur. Tale est et illud in lege Moysi de populo Israelitico, *Ut tenuem, inquit, eos, utrum custodian mandata mea, an non* (Deut. xiii, 3). Nescire Dei, est quosdam reprobos reprehobare: sicut est illud in Evangelio, *Nescio vos unde sitis, recedite a me, omnes qui operamini iniquitatem* (Lnc. xiii, 27; Psal. vi, 9). Zelare dicitur Deus, cum creaturam suam quam non vult perire, sepe castigat, corrigit atque flagellat, et flagellando ad se reducit. Vel certe zelare Deus dicitur, cum nullum peccatum impunitum vult relinquerre. Justus enim est, et ideo omnis injustitia execrabilis est illi, quam, ut dictum est, impunitam nullo modo patitur. Irasci dicitur Deus, non animi motu vel qualibet perturbatione, quae illi omnino accidere non potest; sed creature delinquenti, id est, hominibus impiis et peccatoribus justam inferre dicitur ultionem, hoc est, illis reddere quod inerentur: et hoc ultio divina et ira vel furor ejus dicitur. Poenitere Deus dicitur, non quod more hominum pro transactis operibus suis poeniteat; qui enim omnia novit antequam siant, pro praeteritis factis suis poenitere non potest: sed poenitentia Dei est statuta mutare, et quod prius aliter inclinatum fuerat, in aliud mutare; id est, aut de bono exigentibus culpis in malum, sicut de Sauli legitur poenituisse Deum, quod constituisset cum regem (1 Reg. xv, 11); vel sicut nunc videtur in populo Iudeorum factum, qui cum esset populus Dei, ob impietatem suam facti sunt synagoga satanae: de malo vero in bonum, sicut accidit in populo Gentium, qui ante non populus Dei, nunc autem per gratiam Christi populus Dei effectus est. Ille quippe modo occulto Dei iudicio Judas proditor apostolatus gradu lapsus in inferni barathrum demersus est, latro vero post crimen rapacitatis de cruce ad paradisum translatus est. Ille quoque immutationem de bono ad malum, ut dictum est, sive de malo ad bonum, que occulto justoque iudicio Dei, seu per severitatem justitiae, seu per misericordiam ejus fiat, poenitentiam Dei dicimus. Quod expressius in libro Jeremias prophete scriptum est. Non poenitere Dei, est statuta nullo modo mutare: ut est illud in Psalmo, *Juravit Dominus, et non poenitentebit eum*; id est Pater ad Filium, *Tu es sacerdos in eternum secundum ordinem Melchisedec* (Psal. cix, 4). Sacerdos Patris dictus est Filius Dei, non secundum divinitatem, sed secundum humanitatem, in qua se pro nobis per passionem et mortem suam acceptabile sacrificium Deo Patri oblitus, ut ipse esset sacerdos, qui et sacrificium. Oblivisci dicitur Deus, cum quibusdam impiis et peccatoribus non miscretur, quod utique non facit per crudelitatem quae in Deo non est, sed per occultum justumque iudicium suum. Indurare dicitur Deus quorundam malorum corda, sicut de Pharaone rego Egypti scriptum est: non quod omnipotens Deus per potentiam suam corda eorum induret, quod est impium ita credere; sed exigentibus eorum culpis, cum duritiam cordis quam ipsi sibi mala perpetrando nutritum, non auferit, quia ipse illos indurat, quia justo iudicio indurari sinit. Dormire Dei, est cum unigenitus Filius Patris in assumpta carne pro nobis mori dignatus est: cuius mors recte dulcis somnus predictus est, ipso dicente per Jeremian prophetam, *Ideo quasi de somno suscitatus sum; et vidi, et somnus meus dulcis est mihi* (Jerem. xxxi, 26). Aliter dormire dicitur Deus, cum fides ejus inter prospera hujus mundi in quorundam fideliū corde non vigilat, sed

dormit. Hanc dormitionem Salvator nostra in se significavit, cum in nave inter fluctus maris dormivit (Math. viii, 24). Vel certe dormire Dei est, electis suis in tribulationibus hujus mundi positis tardius subvenire, sicut est illud in Psalmo, *Exsurge, quare obdormis, Domine* (Psal. xi.ii, 23)? Vigilare Dei est, in defensionem electorum suorum, et ultiōrem inimicorum suorum se manifestum demonstrare¹.

II. Hac omnia que predicta sunt, et alia his similia, quae de Deo sacra Scriptura juxta historiam narrat, non secundum litteram, ut dictum est, sed significativa locutione accipienda sunt: quia omnipotens Deus in essentia divinitatis sue spiritus est, non caro; invisibilis atque incorporeus, nullisque humanis membris compositus: et ideo non de oculis carnis, sed de oculis cordis contemplandus est. Deus sapientia est, veritas est, charitas est, justitia est; et ideo eisdem oculis videndus est quibus haec omnia contemplantur: et ideo non corporeis, ut dictum est, obtutibus, sed ex corde mundo a fidelibus intendentur est. Scriptum quippe est in Evangelio, *Beati mundo corde, quoniam ipsi Deum videbunt* (Math. v, 8). Hoc est enim primum sanctorum, non in hac tantum vita, sed potius in futura reprobissimum; dicente beato Joanne apostolo, *Charissimi, filii Dei sumus, et nondum apparuit quid erimus. Scimus enim quia cum apparuerit, similes ei erimus, quoniam videbimus eum sicuti est* (1 Joan. iii, 2). Hoc promissio, ut dictum est, post resurrectionem carnis et iudicium Dei, est in saeculo futuro sanctis deposita. In praesenti vero vita nullus tam sanctus, nemo ita perfectus ex electis Dei, qui ipsum Dominum in essentia divinitatis sue, sicuti est, vidi unquam, aut videre poterit: ipso testante ad Moysem, *Non enim videbit me homo, et vivet* (Exod. xxxiii, 20); ac si diceret, Nemo quādū mortaliter vivit, Deum ut est videre poterit. Vident enim sancti in praesenti vita Deum, non ita ut est in substantia sua, sed per speculum et in angustia, postea autem facie ad faciem (1 Cor. xii, 12). Vident in hac vita credendo, non corporeis oculis cernendo. Videre enim Deum, est recte illum credere et ex corde diligere. Ille quippe significat nomen Israhel, quod interpretatur, Vir videns Deum. Sed quia Filius Dei qui in substantia divinitatis cum Patre unum est, ob reparacionem humani generis quod in Adam lapsum fuerat, prope hunc mundi in eternum Mariæ virginis illapsus, veram carnem ex ejus substantia creavit, atque in singularitate persone sue ita univit, ut Deus pariter esset et homo; simplici vero persona, ut dictum est, genuina vero substantia ex eadem virgine incorrupto pudore nasceretur; ut qui erat et est in divinitate verus Deus ex vero Patre genitus invisibilis, incorporeus atque incomprehensibilis sicut et Pater, ipse esset et verus homo visibilis, corporeus; et circumscriptus; atque idem ipse, non aliud Deus et alius homo, sed Deus et homo, unus Christus Dei Filius, passus pro salute nostra, in sola carne mortuus et sepultus, in eadem carne in qua etiam die tertio per virtutem divinitatis sue de sepulcro resurgens, ascendit in cœlum, et sedet ad dexteram Patris: quem inde venturum ad iudicandum vivos et mortuos in eadem carne in qua ascendit, sed glorificata, universalis expectat Ecclesia, quemadmodum in Symbolo universi decantant fidèles; ideo eundem Dei Filium secundum substantiam divinitatis sue invisibilis et incorporeum et immortalem atque incircumscriptum, sicut et Patrem et Spiritum sanctum credere et confiteri oportet: iuxta humanitatem vero visibilis, corporeum, localem atque omnia membra humana veraciter habentem credere convenient et confiteri. Quoniam sicut eundem Dei Filium et redemptorem nostrum secundum divinitatem invisibilis et incorporeum, sicut et Patrem et Spiritum sanctum non credere impium est: ita eundem Dei Filium in

¹ hic desinat liber iste in Ms. Sorbonico et 21 ad Hieronymum.

homine assumpto, visibilem et corporeum atque localem post resurrectionem non credere et profiteri, profanum est. Illud autem quod in Genesi scriptum est, dicente Deo Patre ad Filium, *Faciamus hominem ad imaginem et similitudinem nostram* (*Gen. i, 26*) : non ita accipendum est quasi Deus corporeus sit, et membrorum lineamentis compositus, ad quam compositionem corpoream exteriorem hominem nostrum, humannum videlicet corpus, veluti ad similitudinem suam fecerit; sicut Iudei et ceteri infideles plerique opinati sunt, quod ita credere impium est. Deus autem, ut serpe dictum, spiritus est, non caro : sapientia¹ est, non corpus. Ad imaginem quippe suam Deus hominem fecit, non in corpore, sed in anima ; non in corpore, sed in sensu ; non in exteriore homine, sed in ratione. Animaque hominis, ut dictum est, ideo ad imaginem Dei facta esse perhibetur, quia spiritualis creatura est invisibilis et incorporea atque immortalis : non de substantia Dei originem trahens, sicut Manichei et Priscillianistæ heretici false opinati sunt ; sed ex nihilo a Deo creata. Quia initium habet, finem vero habere nescit. Quæ humana anima, ob hoc quod a Deo rationalis, quod intellectualis facta est, imago Dei esse dicitur. Inest enim illi per naturam rationalis sensus, per quem intelligit, sapit, atque inter bonum malumque discernit. Inest illi memoria, per quam transacta recordatur : inest voluntas per quam quæ vult eligit : inest sensus, per quem et sentit : inest ratio, per quam et occulta et invisibilia

¹ Sic Ms. Victorinus. At edili, *substantia*.

contemplatur, per quam Deum creatorem suum in telligit, per quam vera a falsis discerit, per quam invisibilia et Deum oculis cordis contemplatur seu speculator². In his omnibus anima hominis ad imaginem Dei facta esse narratur : hæc omnia communia habet cum angelis, corpus vero cum animalibus brutis qua intellectu carent. Hujus animæ origo occulta est, et soli Deus cognita. Ipsa quoque anima hominis pro eo quod spiritualis creatura est, in sacra Scriptura aliquando spiritus dicitur, aliquando vero natura³, aliquando etiam vita, nonnunquam vero cor esse dicitur : et cum sit una in natura sua, propter varios effectus⁴, diversa vocabula sortita est. Similitudo vero Dei in nomine referunt ad opus justitiae, dicente Domino in Legi. *Sancti estote, quia ego sanctus sum Deus vester* (*Levit. xix, 2*). De qua sanctitate beatus Paulus apostolus informans nos ait, *Renovamini spiritu mentis vestre, et induite novum hominem qui secundum Deum creatus est in justitia et sanctitate veritatis* (*Ephes. iv, 23*). Et iterum ipso, *Imitatores mei estote, sicut et ego Christi* (*1 Cor. xi, 1*). Et beatus Joannes exhortans ait, *Qui dicit se in Christo manere, debet sicut ille ambulavit et ille ambulare* (*1 Joan. ii, 6*). Et Veritas in Evangelio, *Estote misericordes, sicut et Pater vester caelitus misericors est* (*Luc. vi, 36*). Sicut enim imago Dei ad naturam pertinet anima, ita et similitudo referunt ad opus justitiae.

¹ Ms. Victorinus et vaticanus, et de oculis cordis speculator.

² Ms. vaticanus et Victorinus, aliquando anima.

³ Ms. Victorinus, diversos affectus.

DE UNITATE SANCTÆ TRINITATIS DIALOGUS^(a).



Cum me pervigil fidei cura fecisset exsommum, his me interrogationibus percontavi, et tali studio schola nostræ lumen accendi. Judicet vero lector, an utile sibi hoc sit; mihi tamen, si neglexerit, nihil subtrahit. **INTERROGATIO.** Pater, inquit, Deus est? **RESPONSO.** Nec profanus ignorat. **INT.** Filius Deus est? **RESP.** Apostolus testis est. **INT.** Quid enim ait? **RESP.** *Quorum patres, et ex quibus Christus secundum carnem qui est super omnes Deus benedictus in secula* (*Rom. ix, 5*). **INT.** Quid de Spiritu sancto autumari? **RESP.** Magna nihil brevitas docendi quod Deus sit, suffragatur. **INT.** Quæ illa sit, aveo scire. **RESP.** Quod ex Patre procedat : probem solum, quod et peccata dimittat. **INT.** Ubi istud legis? **RESP.** In Joanne, cum insufflavit Dominus in faciem discipulorum, et ait : *Accipite Spiritum sanctum : quorum remiseritis peccata, remissa erunt; et quorum detinueritis, detenta sunt* (*Joan. xx, 22, 23*). **INT.** Nihil fortius. **RESP.** Alia multa nescis? **INT.** Quæ? **RESP.** Quod Christum creat in viscere, quod super Christum venit in flamme, quod vivificat omnia, quod Baptismum consecrat, quod Christum dirigit, quod replet orbem, quod Trinitati contaxatur, quod novit, capit et regit omnia, nec solum terrestria, sed et cœlestia, quod Apostolos eligit ac destinat, quod dona sua et prophetias quibus vicit imperiat : et plura quæ in Scripturis sanctis

posita, ad momentum non occurruunt. Et si istis non tangaris, mihi tamen solum quod de Patre est, ad documentum deitatis ipsius sufficisset. Sunt et sententiae singulares, hujus scilicet veritatis astipulatrices, ut illæ Pauli : *Divisiones ministeriorum sunt, idem ipse Dominus, et divisiones operationum sunt, ipse auctor Deus, qui operatur omnia in omnibus* (*1 Cor. xii, 5*). Et inter extera Petri : *In veritate, inquit, scio, quia non est Deus personarum acceptor*. Cum cogitanti et habentibus de visu, Spiritus sanctus dixerit. *Surge, et vide cum illis nihil dubitans ; ego misi illos ad te* (*Act. x, 20, 34*). Nam David scipenuero cum nuncupat *Spiritum rectum* in quinquagesimo psalmo. Dominum Deum appellat in nonagesimo primo : *Quoniam rectus est, inquit, Dominus Deus noster, et non est iniquitas in eo* ; et, *Dominus super aquas multas, in palmo viresimo octavo prodit, quibus in exordio suo Genesis Spiritum Dei superterri depromit* (*Gen. i, 2*). Licit illud manifeste noverim, nuncquam annumerari Spiritum sanctum Patri, vel etiam Filio potuisse, cum dictum sit, *Ite, baptizate gentes in nomine Patris, et Fili, et Spiritus sancti* (*Math. xxviii, 19*) : nisi socia deitate regnaret. **INT.** Quid ergo? tres Dei sunt? **RESP.** Absit : *Sacrificans diis eradicabitur, nisi Domino soli*. **INT.** An duo sunt? **RESP.** Nequaque, quia nemo potest duobus dominis servire (*Id. vi, 24*). **INT.** Unusne

(a) Ignoti auctoris, sed antiquissimi. Non exstat in codicibus annorum octingentorum, duobus videlicet Remigianis, quorum alter titulum sine Augustini nomine hunc ipsum premitit, « Incipit libellus seu dialogus de Unitate sancte Trinitatis »; alter autem dialogum Augustino tribuit hæc inscriptione, « Incipit Tractatus sancti Augustini episcopi a semetipso ad semetipsum : falso quidem, uti satis ex dicendi ratione liquet, tametsi iste ipse codex ante annos circiter octingentos scriptus putetur, et ad antiquius aliud exemplar exaratus, quemadmodum ostendit scriptura hæc in dialogi fine calamo prorsus eodem facta, scilicet post verbum, « nanciscantur, » continuo in ipsa linea sequitur, « Couthi, ut potui, cum omni certe : qui legis, ora pro me. »